



Inatsisartunut ilaasortaq
Olga P. Berthelsen
-/maani

**§ 37 naapertorlugu Inatsisartunut ilaasortap Olga P. Berthelsenip Inuit
Ataqatigiinneersup apequtaanut allakkatigut akissut.**

17. jan 2011
Sagsnr. 2011-044427
Dok. Nr. 543708

**Puigortunngortarneq pillugu ataqatigiissaarisumik atorfinitsitsinissamik pisaria-
qartitsineq pillugu Naalakkersuisunut apequt**

Postboks 1160
Tlf: 34 50 00
Fax: 32 55 05
3900 Nuuk

Email: pn@nanoq.gl
www.nanoq.gl

Inatsisartunut ilaasortaq apequtaanut qutsavigaara. Sammisag ullutsinnut tunngasoru-
jussuuvoq, tassami Naalakkersuisut puigortunngortarneq pillugu nassuiaammik kingu-
sinnerpaamik UPA 2012-imi saqqummeeqquneqarnissaat, kiisalu puigortunngortarneq
pillugu tamakkiisumik ungasinnerusorlu eqqarsaatigalugu pilersaarummik kingusinner-
paamik UPA 2013-imi saqqummiisoqarnissaa Inatsisartut 2010-mi ukiakkut ataatsi-
miinneranni amerlanerussuteqartut akuerimmassuk.

Apeqqutit imaapput:

- 1. Puiguttunngortarneq pillugu ataqatigiissaarisussanik atorfinitsitsisoqarsin-
naanera Naalakkersuisut pisariaqartut isigivaat?**
- 2. Puiguttunngortarneq pillugu ataqatigiissaarisussanik atorfinitsitsisoqarsin-
naanera Naalakkersuisut suliniutigilersaarpaat, tamannalu qanoq aaqqissuun-
niarneqarsinnaava?**
- 3. Puiguttunngortarneq pillugu ataqatigiissaarisogalerneq Naalakkersuisunit ta-
korloorneqartoq piviusunngortinniarnearnera qanoq aningaasatigut aamma-
lu allaffissornikkut sunnuteqarsinnaava, aaqqissuussinerlu tamanna Nam-
minersorlutik Oqartussat ataatsimut aningaasaataasa pioreersut iluannit
tulleriissaarinikkut piviusunngortinneqarsinnaava?**

Ukiuni tulluittuni innuttaasut ineriartornerisa utoqqaat taamatullu puigortunngortut amer-
liartornerannik kinguneqarnissaat Naalakkersuisut ilisimalluarpaat. Taamatut ineriartor-
nerup utoqqarnut tunngasut, taakkununnga ilanngullugit utoqqarnik paaqqinninnerup
taamatulli sunnerneqarnissaa kingunerissavaa.

1-imut)

Puigortunngortut pillugit ataqatigiissaarisunik atorfinitsitsinerup iluaqutitaqarsinnaanera
Naalakkersuisut ajattorniannigilaat.

Puigortunngortunut tunngasuni akisussaasut makkuupput:

- Puigortunngornermik paasiniaanerup paasisaqarnerullu isumagineqarnissaan-
nut peqqinnissaqarfik pisussaaffeqarpoq.
- Inunnut annertuumik innarluutilinnut, taakkununnga ilanngullugit inuit puigortun-
ngorsimasut, innarluutillit pillugit inatsit naapertorlugu nalunaarsorneqarsimasu-
nut kommunit akisussaapput.

- Kommunit utoqqarnik puigortunngorsimasunik akisussaasutut paaqqinnillutillu isumassuisussaapput, tamanna pillugu malittarisassat, ilaatigut utoqqarnik paaqqinniffiit il.il. pillugit inatsisartut peqqussutaat naapertorlugit.

Taamaattumik isumaginninnermi malittarisassat naapertorlugit kommunit inuit puigortunngortut pillugit isumaginninnermi suliasanik isumaginnittussaapput.

Kommunini nammineq aqutsinerup ataqqineqarnissaa Naalakkersuisut pingaartippaat, taamaattumillu puigortunngortut pillugit ataqatigiissaarisunik atorfinitsitsinissamut aalaavittut Naalakkersuisut kaammattuuteqarniingillat.

Puigortunngortut pillugit nassuiaasiornermi puigortunngortullu pillugit pilersaarusionerme kommunit susassaqtinneqarlutik peqataatinneqassapput. Puigortunngortut pillugit nassuiaammi ataqatigiissaariniarnikkut ajornartorsiuteqartoqarnera imaluunniit kommunit akornanni kiisalu Namminersorlutik Oqartussat kommunillu akornanni ataqatigiissaarisoqartariaqarnera paasinarsissappat, tassunga atatillugu puigortunngorneq pillugu ataqatigiissaarisumik/inunnik sulisussanik ataatsimik arlalinnilluunniit qitiusumik aamma/imaluunniit najukkami inissisimasussanik atorfinitsitsisoqarnissaa siunnersuutigineqarsinnaassaaq. Tamatumunnga peqatigitillugu pineqartumik tamakkiisumik misissueqqisarnikkut puigortunngortut pillugit ataqatigiissaarisut pineqartumi ilisimasaqalernissamut misilittagaqalernissamullu, taakku pigiinnarnissaannut, kiisalu ilisimasanik misilittakanillu ataqatigiissaarinissamut sunik suliasaqarnissaannut tunngavissiilluortoqarnissaa qularnaarneqassaaq.

2-mut)

Namminersorlutik Oqartussat, taakku sullissiveqarfiutaasa kommunillu akornanni pitsaanerusequmik ataqatigiissaarisoqartariaqartoq puigortunngorneq pillugu nassuiaammi kingornalu pilersaarummi paasinarsissappat, Naalakkersuisut soorunami pineqartumut qitiusumik sulisussamik atorfinitsitsinissamut akuersaassapput. Tassani pineqarsinnaavoq puigortunngorneq pillugu ataqatigiissaarisoq imaluunniit pineqartumik ineriartortitsinermut, kingorna kommuninit tiguneqartussamut, suliniummut atorfik piffissamut killili-gaq.


Kommuninit isumaqartoqarpat maanna kommunini puigortunngorneq pillugu ataqatigiissaarisumik atorfinitsitsisoqartariaqartoq, taava kommunit namminneq aningaasatigut killiliussaminni taama ittunik atorfinitsitsinermut aningaasalersuisinnaanerlutik imaluunniit kommunini ataatsimut aningaasalersueqatigiissinnaanikkut aaqqiinissamut periarfissat misissorneqassanersut namminneq aalajangissavaat.

3-mut)

Utoqqarnut tunngasut kommuninut suliasanngortinneqarsimammata Naalakkersuisut puigortunngorneq pillugu ataqatigiissaarisunik pisariaqartitsinermik naliliisinnaangillat, taamatulluunniit ittunut aningaasalersuinissamut periarfissaqaratik.

Puigortunngornermut tunngasunut qitiusumik sulisuliinissaq puigortunngorneq pillugu nassuiaammi taassumalu kingorna pilersaarummi paasinarsissappat, tamatuma aningaasaqarnikkut allaffissornikkullu kingunerisassai aalajangiinissamut tunngavissanut ilaatinneqassapput.

Inussiarnersumik inuulluaqqusillunga


Agathe Fontain



10. januar 2011

Inatsisartut Suleriaasianni § 37 naapertorlugu matumuuna imaattunik Naalackersuisunut apeqquteqarpunga:

(Inatsisartuni ilaasortaq Olga P. Berthelsen, Inuit Ataqatigiit)

1. Puiguttunngortarneq pillugu ataqatigiissaarisussanik atorfinitsitsisoqarsinnaanera Naalackersuisut pisariaqartutut isigivaat?
2. Puiguttunngortarneq pillugu ataqatigiissaarisussanik atorfinitsitsisoqarsinnaanera Naalackersuisut suliniutigilersarpaat, tamannalu qanoq aaqqissuunniarneqarsinnaava?
3. Puiguttunngortarneq pillugu ataqatigiissaarisogalerneq Naalackersuisunit takorloorneqartoq piviusunngortinniarnearnera qanoq aningaasatigut aammalu allaffissornikkut sunniuteqarsinnaava, aaqqissuussinerlu tamanna Namminersorlutik Oqartussat ataatsimut aningaasaataasa pioreersut iluannit tulleriissarinikkut piviusunngortinneqarsinnaava?

Tungavilersuut:

Utoqqaat puiguttunngortartut amerliartuinnartut tamatta nalunngilarput. Puiguttunngortartut immikkut isumassorneqarnissamik pisariaqartitsisuupput qanigisallu sulissisullu isumassuinermi aamma puiguttunngortarneq pillugu ilisimasanik misilittakkanillu atugasaminnik atorfissaqartitsisuullutik. UKA 2010-mi Inatsisartut amerlanerussuteqartut aalajangiiffigisassatut siunnersuut, tassalu ataatsimoortumik siunissaq ungasinnerusog isigalugu puiguttunngortarneq pillugu pilersarusiornissaq akuersarpaat. Puiguttunngortarneq pillugu nuna tamakkerlugu ataatsimut pilersaaruteqarnissap pisariaqartuunera taamaalilluni Inatsisartunit tamanit pisariaqarsorineqarpoq.

Isumaqarpunga aalajangernerup tamatuma malitsigisaanik puiguttunngortarneq pillugu ataqatigiissaarisussanik atorfinitsitsisoqarsinnaanerata pitsaaqutissartai pillugit siunissamilu tamatumani qanoq aaqqissuussisoqassanersoq pillugu nalilersuinissaq naleqquttuulluasasoq, nunarput ataatsimut isigalugu imaluunniit kommunikkaartumik puiguttunngortarneq eqqorneqartullu isumagineqarneranni suliasat unammisassallu ataqatigiissarneqarsinnaaqqullugit.

Siunissami puiguttunngortarnerup iliuuseqarfigineqarnissaa eqqarsaatigalugu pingaarutilerujussuurtut isigaara, maannangaaq puiguttunngortarneq pillugu ataqatigiissaarisussanik atorfinitsitsisoqarsinnaanerata pitsaaqutissartai isumaliutersuutigileriissallugit. Taamaaliorutta Nunatsinni kommuninilu puiguttunngortarneq pillugu ilisimasat misilittakkallu anner-tusarsinnaanngussavagut, pigiinnarsinnaanngorlugit aammalu ataqatigiissarsinnaanngus-sallugit.

UPA 2011-imut siunnersuuteqarnissamut ulloq killiliussaq eqqarsaatigalugu kissaatigis-savara, ullut 10-it qaangiutsinnagit akissuteqarfigineqareernissara.